

有功賜姓

〔日本書紀垂六〕三十二年七月己卯，皇后日葉酢媛命一云日葉臨葬有日焉，天皇詔群卿曰：「從死之道，前知不可，今此行之葬，奈之爲何？」於是野見宿禰進曰：「夫君王陵墓，埋立生人，是不良也，豈得傳後葉乎？願令將議便事而奏之，則使者喚上出雲國之土部壹佰人，自領土部等，取埴以造作人馬及種々物形，獻于天皇，曰：自今以後，以是土物更易生人樹於陵墓，爲後葉之法則。」○中天皇厚賞野見宿禰之功，亦賜鍛地，卽任土部職，因改本姓謂土部臣。

〔新撰姓氏錄右京皇別〕島田臣

多朝臣同祖，神八井耳命之後也。五世孫武惠賀前命孫仲臣子，上稚足彥天皇諡成御代，尾張國島田上下二縣有惡神，遣子上平服之，復命之日，賜號島田臣也。

〔新撰姓氏錄左京神別〕中臣志斐連

天兒屋命十一世孫，雷大臣命男弟子之後。六世孫意富乃古連，雄略御世，東夷有不臣之民，每人強力，押防朝軍，於是意富乃古連，甲冑五重，跨進敵庭，無勞官軍，一朝夷滅，天國悅其功績，更加名字，號暴代○代恐連。

〔日本書紀十五〕元年四月丁未，詔曰：「凡人主之所以勸民者，惟授官也。國之所以興者，惟賞功也。夫前播磨國司來目部小楯原名來迎舉朕，厥功茂焉，所志願勿難言。小楯謝曰：「山官宿所願，乃拜山官，改賜姓山部連氏。」

〔日本書紀十九〕三十年正月辛卯朔，詔曰：「量置田部，其來尙矣。年甫十餘，脫籍免課者衆，宜遣膽津膽津者王賜姓爲白豬史，尋拜田令。」

〔新撰姓氏錄和泉國皇別〕佐代公

上毛野朝臣同祖，豐城入彥命之後也。敏達天皇行幸吉野川瀨之時，依有勇事，賜佐代公。